



МЕСЯЦА НОЯБРЯ В 4-й ДЕНЬ

**Преподобнаго отца нашего Иоаннікия Великаго
и святаго мученика Никандра,
епископа Мірскаго, и Ермея пресвитера.**

**На Господи, возвах: стихиры на 6,
преподобнаго 3, глас 4.**

Подобен: Званный свьше:

Иже свѣтом облистѣн Божественным, / егда
чистотою ума возрѣл еси, / и подобно
разсудив не стоящих, вѣчно будущая, /
тогда огонь в сѣрдцы, отче, приѣм, / елѣни
подобно разжѣглся еси Божественною любобвию /
и, забыв плоть и кровь, / уготовился еси к подви-
гом постническим, / ихже ради телесныя страсти
души твоей покорил еси.

На восхожденіе Божественныхъ горъ высоты
вселился еси, / не смиряемъ смиреннаго сего телесе
нуждами, отче, бедными, Иоаннікие. / Бденными
стоянии / и всендѣвными молитвами Благому
сочетався, / просветился еси и пророчества приял
еси дар / зрѣти дальняя, яко ближняя, / и предгла-
голати вернымъ будущая. / Тем, яко Божественнаго
учителя, тя славим.

Дѣмонская стремленія и стрѣлы / крѣпко притуп-
пил еси воображеніи молитв / и на техъ взял еси
побѣды Божию силою, достославне. / Отсюду
почести тебе, отче, чудесъ Благий дарова, / смире-
ниемъ упоковився сѣрдца твоего. / Тѣмже и миро
благонное твоя честныя источаютъ мѣщи: / благо-
вѣніе бо явился еси Христово, Иоаннікие.

Ины стихиры мученика, глас 2.

Подобен: Егда от Древа:

Зв́ание тезоимѣнное / приѣм от Божественнаго Промысла, / сие вещми, отче, знаменовав, утвердил еси: / ратных бо множества и собор мучителей / в терпении твоём победил еси. / Тем венец победы приѣм, / верою взывал еси: / слава непобедимей державе Твоей, Человеколюбче.

Мира благовоннейшая / нам врачеваний источаеши днесь, Никандре, / в Божественной памяти твоей, / и отгониши, мудре, мглу скорбей / и страсти телесныя, / и богатыя благодати исполняеши / собор всех, вопиющих Христу: / Ты еси неистощенное миро, / благоухающее поюция Тя.

Имея дерзновение ко Христу, / прославляемому единому во святых Его, / Того моли, преподобне Никандре, / о всех, любовью совершающих твою память / и восхваляющих твоя исправления, / яко да неизреченных оных благ и нетленных славы / общницы будем благодатию.

Слава, глас 6:

Преподобне отче, / во всю землю изыде вещание исправлений твоих, / тем на Небесех обрел еси мзду трудов твоих. / Демонския погубил еси полки / и Ангельския достигл еси чины, / ихже житию без порока поревновал еси, / дерзновение имея ко Христу Богу, / мир испроси душам нашим.

И ныне, Богородичен или Крестобогородичен.

Подобен: Трдневен:

Видяци Тя распинаема, Христѣ, / Тебѣ Родшая вопиаше: / что странное, еже вижу, таинство, Сыне Мой? / Како на Древе умираеши, плотию повешен, / Жизни Подателю?

На стиховне Октоиха. Слава, глас 8.

Монахов множества / наставника тя почитаем, отче наш Иоанникие, / твою бо стезю войстинну право ходити познахом. / Блажен, еси, Христу работав, / и вражью обличил еси силу, / Ангелов собеседниче, преподобных сопричастниче и праведных: / с нимиже молися Господу / помиловатися душам нашим.

И ныне, Богородичен или Крестобогородичен.

Подобен: О, преславнаго чудесе!

Тя видящи, пригвождаема на Кресте, Иисусе, / и страсти приемлюща волею, / Дева и Мати Твоя, Владыко, / увы Мне, вопияше, Чадо сладкое, / раны неправедно како терпиши, / Врачу, исцеливый человекское неможение / и от тли всех избавивый милосердием Твоим?

Тропарь, глас 8:

Слез твоих теченьми пустыни бесплодное возделал еси, / и, иже из глубины въздыханьми, во сто трудов у плодоносил еси, / и был еси светильник вселенней, / сияя чудесы, Иоанникие, отче наш: / моли Христа Бога спастися душам нашим.

Слава, глас 4:

Мученик Твой, Господи, Никандр, / во страдании своем венец прият нетленный от Тебе, Бога нашего, / имеяй бо крепость Твою, / мучителей низложи, / сокруши и демонов немощныя дерзости. / Того молитвами / спаси души наша.

НА УТРЕНИ

Един канон Октоиха, и преподобнаго на 4, и мученика на 4. Канон преподобнаго, егоже краегранесие: Предтечева ты подражателя хвалю. Иосиф, глас 4.

Песнь 1

Ирмос: Отверзу уста моя, / и наполнятся Духа, / и слово отрыгну Царице Матери, / и явлюся, светло торжествуя, / и воспою, радуясь, Той чудеса.

Светом благодати озаряемь, преподобне, / верою память твою торжествующия просвети / и тьмы греховныя молитвами твоими избави, Иоанникие.

Путь вводящий невозвратно шествовал еси ко граду Небесному, Иоанникие, / Святыи бо настави ты Дух, почиваяй в сердцах твоих.

Вышшающее смирение, Иоанникие, имел еси, / тем молимся тебе: / ущедри, преподобне, смирение наше / и болезни вся облегчи сердец наших.

Богородичен: Пáдших воззвáние и стоящих укрепление сýщи, Всенепорóчная, / тем молóся Тебе: / пáдший мой ум грехóm исправи, Владычице, яко да славлю Тя.

Канон мучеников, глас 4.

Песнь 1

Ирмос: Ли́цы израильтестии / невла́жными стопа́ми / понт* Чермный и вла́жную глубину́ прогна́вше, / вса́дники триста́ты**, враги́ ви́дяще в ней погруже́ны, / с веселием поя́ху: / поим Богу нашему, яко просла́вися.

Честный́ праздни́к честных страда́лец священномучеников, / священную па́мьть днесь священными песнопеньми / ныне Священнейшая Христо́ва Церковь, священноле́пно соверша́ющи, / пёсньми украша́ется, сия́ почита́ющи.

Честно́ю пома́зан ма́стию священничества ве́рно, священнонача́льниче Никáндре, / честнейшу сию́ от крове́й твоих обагрёньми соде́лал еси, в ра́дости зова́: / воспойм Богу нашему, яко просла́вися.

Пу́ть муче́ния теку́ще, / веселие и́стинное в нем я́ве показу́юще, / обогати́стесь благода́тию чудес и дарова́ний Небесных, мученицы, / согла́сно вопию́ще: / воспойм Богу нашему, яко просла́вися.

Богородичен: Неопи́санный в не́дрех Отеческих, / в не́дрех Ма́терних плóтски Христос опису́ется, / по рождестве Сию́ и́стинно Деву па́че ума́ сохрани́в, / Ему́же велегла́сно вопие́м: / воспойм Богу нашему, яко просла́вися.

Песнь 3

Ирмос: Твоя́ песносло́вцы, Богородице, / живы́й и незави́стный исто́чниче, / лик себе совоку́пльшия духовно утверди́, / в Божественней Твоей славе / венце́в славы сподо́би.

Теку́щая пребыва́ющими измени́л еси, / смы́сленно прием твой крест, Иоанни́кие, / и на невозходи́мая го́ры, яко Илия́ великий, возше́д, пребы́л еси.

* понт — море

** триста́ты — всадники египетские, военачальники

Путь тебе, зело желаемый, отцев показá двоица, / юже обрел еси леты множайшими сокровенну в горах, / пророческим даром просвещен, блаженне.

Колéблеми страстьми различными, / верою притекаем к твоему покрову, Иоанникие, / святыми твоими ходатайствы вся ны посети, моляся Человеколюбцу.

Богородичен: Кроплéнием милости Твоя, Дево, / углие погаси моих страстей, Богорадованная, / и угасший возжзи светильник сердца моего, / златый светильниче, Всенепорочная.

Ин

Ирмос: Яко неплоды роди от язык Церковь, / и многое в чадех изнеможе сонмище, / чудному Богу нашему возопийм: / Свят еси, Господи.

Словесныя мрежи * простирая, / сущия в прелести, чудодействуя, уловлял еси, / оброк многообразен от Девы, Никандре, Возсиявшему сию принося.

Розга ** благоплоднейшая Титова сада был еси Критскаго светильника, / грозды ***нося словесныя, сладость нам точащая спасительную, / Никандре блаженне.

Со Ермеем Божественным оляденевшая сердца Креста ралом **** возделасте, мудрии, / и плодоносны благодати явите: / тем блажими есте.

Богородичен: Ниже Небесный ум может паче ума рождество Твое сказа́ти, Отроковице, / ума бо перваго во чреве, Слово, Чистая зачала еси, / всяческая словом составившее.

Седален, глас 8.

Подобен: Премудрости:

Страстей мрак очистив, / Христовых повелений яко истинно свет прием, / в постé просиял еси / и, умертвив тело, духом ожил еси, / вражия сети попрал еси, блаженне. / Тем и вышних безплотных Ангелов / сопричастник был еси Духа

* мрежа — невод, сеть

** розга — ветвь

*** грозды — виноградные кисти

**** рало — соха, плуг

благодатию, / Иоанни́кие, отче наш, / моли Христа Бога грехо́в оставлѣние дарова́ти / прѣзднующим любовию святую память твою.

Слава, мучеников, глас 4.

Подобен: Вознесѣйся:

Святительства истины Божественным помѣзанием / и мучения священною истинно кровию просвещѣни, сла́внии, / совокупѣстесе чинѣм, радующеся, безплотных Ангел. / Тем прѣзднуем честную вашу память, / молящеся всем очищѣние подати молитвами вашими, святии.

И ныне, Богородичен:

Обновѣла еси, Чистая, Божественным Рождеством Твоим / истлѣвшее во страстѣх земнородных мѣртвенное существо / и воздвѣгла еси вся от смерти к животу нетлѣния. / Темже Тя по долгу блажимъ вси, Дево Препрославленная, / якоже прорекла еси.

Крестобогородичен:

Дево Пренепорочная, Мати Христа Бога, / оружье прѣйде Твою пресвятую душу, / егда распинаема видела еси волею Сына и Бога Твоего. / Егоже, Благословенная, молящи не прѣстай прощение прегрешений нам дарова́ти.

Песнь 4

Ирмос: *Неизследный Божий совет, / еже от Девы воплощения, / Тебе, Вышняго, / пророк Аввакум, усмотряя, зовяще: / слава силе Твоей, Господи.*

Горы высочайшия постиг, / верхи демонов возвышаемая смирением смирил еси, мудре, / и на них мужествовал еси, слава монашествующих и утверждение.

Яко мечем обоюдоострым, Христовым страхом вооружився, / змия отступника низложил еси разумно / и чувственно, блаженне, священными победами прославляемъ.

Весь Божественным Духом распалився, отче, мраз претерпел еси, / множайшими лѣты в пустынях вселяяся, ищай Господа, / благодатию тя Божественною согревающа.

Богородичен: Тя, очищѣние всех земныхъ, верою молю и припадаю, Благословенная: / милостива ми Судию и Сына Твоего сотвори, / яко да по долгу славлю Тя.

Ин

Ирмос: Седяй в славе на Престоле Божества / во облаце легце, / прииде Иисус Пребожественный / нетленною дланию и спасе зовущия: / слава, Христе, силе Твоей.

Колесница явистеся Слова, умно Сего носяще, / тем привязани к конем, люте же влачыми, / не отвергостеся Сего, ни победистеся, / к Небесней стезе яве подвизаеми.

Темницам приближающесе и узами облагаеми, / от уз льсти град и люди спасосте / и юзою * любве связастеся Связаннаго плотию нас ради, всеблаженнии.

Со Ангелы Владыку заключѣнии славляху, / Небесным Хлебом, всеславнии, питаеми. / Тем плоти болезней небрегосте, / сильнейшии ран бывше.

Богородичен: На Престоле высѣцем страшно седяй, / на Матерних объятых, Младенец быв, седит, / падший образ исправляя и обожѣние сущим из Адама даруя.

Песнь 5

Ирмос: Ужасошася всяческая / о Божественней славе Твоей: / Ты бо, Неискусобрачная Дево, / имела еси во утробе над всеми Бога / и родила еси безлетнаго Сына, / всем воспевающим Тя / мир подавающая.

Шествовал еси, преподобне, тесный и прискорбный путь / Божественными восхожденными сердца, / и видѣнии разширяемь, и положѣнием обожаемь яве. / Тем бысть монашествующим утверждение и украшение.

Око очистившу помышления, преподобне, / благодать тебе дадѣся пророчества, / яко настоящая глаголати будущая, / зрети же дальняя, яко ближняя. / О Иоанникие, Божие обителище!

* юзою — цепью

Болезни мя избáви грехóв и скорбéй, / утоли́ сёрдца моего болезнь и грехопадений разрешение да́руй, / Благодетеля Бога имей, послушающа честных твоих молитв.

Богородичен: Ума моего уврачу́й изступлénия, Всенепорочная, / и уврачй́ страсти душй́ моея, и уныния тьму отженй́; / яко да восхваляю Тя песенно, Присноблаженная Богородице Всепетая.

Ин

Ирмос: Просвещение Твое, Господи, низпосли́ нам, / и от мглы прегрешений разреши ны, Блаже, / Твой мир да́руяй.

В просвещение веры путебóждствовал еси люди, / и, оставльше тьму идолонействовства, / чада Света быша ходатайством твоим, Никáндре.

Просветительными Духа блистающе зарьями, / мучений ночь преидóсте безвредно, / решаще мглу безбожия, светильницы славнии.

Павловых вод испóлнен Тит быв, / тя напáяше, показу́я реку́, / струй мутныя безбожия потопля́ющу, Никáндре.

Богородичен: Агнца и Господа рождающая плотию, Дево, / едина нескверная скиние, Божественный ковчéже, честный светильниче, / дýшу мою озарй́.

Песнь 6

Ирмос: Божественное сие и всечестное / совершающе празднество, / Богомудрии, Богоматере, / приидите, руками восплэщим, / от Нея рождающагося Бога славим.

Увядйв * страсти телесныя, / яко древо узрелся еси высоковерхо́е, / плоды чудесныя и честная исправлénия священнейше нося, Богоблаженне.

Уврачй́ тя Господь явлением Евста́фия мученика, / яд всепа́губный испивша, всеблаженне, / чрез рúку неправедную и бедствующа.

Тьмам болезней приобщй́лся еси, / телом немо́щен пребыв, Иоаннй́кие. / Тем верою зову ти: / болезни утоли́ сёрдца моего.

* увядйв — ослабив, иссушив

Богородичен: Едина всех помощи, помози нам, бѣдствующим, / и руку подаждь, и к пристанищем введи спасения, / Отроковице Богоблагодатная.

Ин

Ирмос: Возопи, прообразуя погребение тридневное, / пророк Иона в ките моляся: / от тли избави мя, Иисусе, Царю сил.

Пригвождаема гвоздми телеса мучеников, / страстей подражателя Спаса являхуся, / пригвоздившагося на Кресте и от тли мир спасаго.

Пучину мук преидосте, мученицы, / окормлением Святаго Всесильнаго Духа / и к Божественному пристанищу пристае, славы исполняеми.

Победил еси, тезоименитне, мужей всякое противление убийц, / святителю приснопамятне Никандре, / и венцы славы приял еси, Богу предстоя.

Богородичен: Погубила еси праматере, Отроковице, укоризну, / благословеньми нас Венчавшаго плотию рождши, / и скорбь тоя в радость истинную преложила еси.

Кондак, глас 8.

Подобен: Взбранной:

Звезда явился еси всесветлая, в мире просвещаяй / и суция во мраце страстей облиставаяй, / врач же крепчайший явился еси, / но яко приял еси благодать исцелений, / просящим ты подаждь исцеление, да зовем: / радуйся, отче Иоанникие.

Икос:

Другий, отче, явился еси врач и предстатель, / недуги одержимым и скорбми, Иоанникие чудне, / исцеляя всех, верно притекающих под Божественный кров твой. / Тем и от нас слышиши: / радуйся, отца благаго корене отрасль; / радуйся, матере благая ветвь; / радуйся, иже тех любовь отринувый; / радуйся, иже единого Бога приемый; / радуйся, яко оставил еси земное воинство; / радуйся, яко низложил еси варварскую гордыню; / радуйся, стена и хранитель людем бывый; / радуйся, оружие и столп миру явлься; / радуйся, языческа разрушая брани; / радуйся,

свещильниче, сияя чудесы; / радуйся, нагих покровителю; / радуйся, плененных избавителю; / радуйся, отче Иоанникие.

Песнь 7

Ирмос: Не послужиша твари Богомудрии / паче Создавшего, / но огненное прещение мужески поправше, / радовахуся, поюще: / препетый отцев Господь и Бог, благословен еси.

Сердце твое Троицы жилище соделал еси, / три создав храмы, / в нихже Божественною благодатию, Иоанникие, миро источаеши / в просвещение и очищение верно тебе приходящих.

Душа твоя, светозарением Божественнаго Духа освещаемая присно, / душ зряше верно приходящих тебе советы, блаженне, / пророческими прознаньями священно удивляема.

Недугов, обуревающих мя, блаженне, души же и телесе / твоими святыми молитвами скоро избави и пети сотвори: / препетый отец наших Боже, благословен еси.

Богородичен: Непременнаго рождающая едина Господа, Богорадованная, / десницею Его, Чистая, пременити мой ум молися к лучшим, / люте превращаемый житейскими печальми.

Ин

Ирмос: Авраамстии иногда в Вавилоне отроцы / пещный пламень попраша, / песнями зывающе: / отец наших Боже, благословен еси.

Священную твою одежду обагрив, блаженне, обагреными кровей, / совершил еси светльшую, Никандре, / отцев, вопия, Боже, благословен еси.

Приближающеся огню, / несомненною любовью к Творцу не опалистеся, вопиюще, блаженнии: / отец наших Боже, благословен еси.

Пещи пламень, вам уготованный на мучение, / превратисте на росу Духом Вседетельным, вопиюще: / отец наших Боже, благословен еси.

Богородичен: Воплощенное Слово раждаеши несказанно, Чистая Дево, / зовущия от смерти избавляющая: / отец наших Боже, благословен еси.

Песнь 8

Ирмос: *Отроки благочестивыя в пещи, / Рождество Богородичо спасло есть: / тогда убо образуемое, / ныне же действуемое, / вселенную всю воздвизает пети Тебе: / Господа пойте дела / и превозносите Его во вся веки.*

Стоя высоко на горé, яко на свещнице светильник, преподобне, / всех помышления верою просвещал еси, / показуя изряднейше словесы и дѣлы стезю жизни / и возводя тѣя Божественным словом к высоте безстрастия.

Ум безстрастием очищшему, беседовал еси Господу Вседержителю, / от Негоже неизглагобланным, преподобне, научаемъ, / пророчески предглагобал еси, просвещая души, яко величайш, всеблаженне, пророк. / Тем ты согласно, вернии, восхваляем.

Постигóша мя раны тяжкия, и недúзи различнии смущают; / сих мя избáви, отче, молюся тебе, / яко от Бога прием, Иоаннiкие, благодать врачевати страсти / и болезни верных облегчевати.

Троичен: *Со всеми Вышними воинствы — / Отца, Сына и Святаго Духа — / Троицу Нераздельную, Несозданное Божество песнословяще: / Свят, Свят, Свят, возопийм в радости, / едина Власть, Начало и Царство.*

Богородичен: *Явилася еси Ангелов превышшая, Бога неизреченно воплотивши, / Того умоли, Владычице Всенепорочная, / плотских вышша страстей быти мя умом, / высотой смирения, / песнословяща Твою величайшую благодать.*

Ин

Ирмос: *Избáвителю всех, Всесильне, / посреде пламене благочествовавши, / снизшед, оросил еси / и научил еси пети: / вся дела благословите, пойте Господа.*

Иерарх чѣстен был еси, / никакоже чуждею кровию, своею же, Никáндре, вшед в Горний храм и поя: / благословите вся дела Господня Господа.

На седáлици, восхвалив Господа, пресвитеров Ермѣй славный, / удобрився кровию мучения, зовет: / благословите вся дела Господня Господа.

Священно предсовершающе святая, / жертвы честныя явѣстеся / и в воню принесѣстеся благовония Господу, вопиюще: / благословите вся дела Господня Господа.

Богородичен: Зол моих пучину изсуши, / благоутробия пучину рождшая, Избавителя и Господа, / Емуже вопием, Дево: / вся дела благословите Господня Господа.

Песнь 9

Ирмос: Всяк земнородный / да възиграется, Духом просвещаемь, / да торжествует же Безплотных умов естество, / почитающее священное торжество Богоматере, / и да вопиет: / радуйся, Всеблаженная Богородице, / Чистая Приснодево.

Укрепися Богу, ум твой утвердившу удержати страсти, / Ангел в телеси отсюду, отче, ты был еси, / и со Ангелы на Небесех живещи всегда, / славы Престолу предстоя и Света невечерняго исполняемь.

Якоже на Небеси, в горах и вертепах вселился еси, преподобне: / тем укротѣшася тебе дивии зверие, / покорившу страсти душевныя, неудобь покоримыя, Иоанникие, и праведну же бывшу. / Сего ради верно тя почитаем.

Твоя священныя и святыя мѣщи во грѣбе лежаще, / недуги погружают и пополяют полки дѣмонския всегда, / мудре Иоанникие, / Божию благодатию источают всем врачевания, / верно ты присно блажащим.

Уже Христу приближаяся яснше и чѣстше, / помяни верою тя поминающих, Иоанникие, / грехов прощения нам прося, и недугов всех избавления, / и Небеснаго Царствия селение.

Богородичен: Просвети, Чистая, души моея очи, Свет рождшая, / да не постигнет мя греховная тьма тяжчайшая, / ниже глубина покрыет мя отчаяния, / но Ты мя спаси и окорми ко пристанищу Божественнаго хотения.

Ин

Ирмос: Ева убо недугом преслушания / клятву вселила есть, / Ты же, Дево Богородице, / прозябѣ-

нием чревоношения мирови благословение процвела еси./ Тем Тя вси величаем.

На древе, мудре, терпеливно растягаемь и свещами опаляемь,/ росу Небесную приял еси рукою Ангельскою, мучениче Никандре,/ палящая же мертвы показал еси живоносными твоими молитвами.

Видестеся видение страшно:/ обнажаеми, и безсловесным привязуеми,/ и на множайше, страстотерпцы, влекоми,/ и цели являеми, огню приближающиеся, и неопаляеми,/ Духом Божественным соблюдаеми.

Днесь Мирская священная митрополия празднует велегласно,/ град всяк на веселие созывающи,/ в памяти вашей сей, всехвальнии,/ в нейже священное ваше страдание совершите.

Отверзется вам Небо, и Ангели восхождению восплескавшие,/ чини преподобных и праведных возвеселишася, възграшася мученицы;/ с нимиже всельшеся, помяните поминающия вас, святїи.

Богородичен: Светом мя озари Твоим, Всенепорочная, рождающая Свет неприступный,/ разжени облаки души моея, и тьмы мя исхити, молюся,/ и Божественнаго спасения сподоби, Пречистая, Едина Приснодево.

Светилен.

Подобен: Духом во святилици:

Благодать преизбысть Божия в души твоей, мудре Иоанникие, безплотно живуща./ Тем чтущия тя страстей избави темных облаков,/ к тихому пристанищу вводя и отгоняя полки демонския.

Богородичен: Сотвори истинно с Тобою величия Сын предвечный Отчим советом:/ Жизнь бо негленную без страсти родила еси / и пребыла еси якоже прежде рождества, матерских избегше болезней,/ и Дева, паки по рождестве пребывши Дева.

На стиховне Октоиха. Слава, глас 6:

Еже по образу соблюл невредимо,/ ум—владыку над страстьми пагубными постнически поставив,/ во еже по подобию якоже мощно возшел еси,/ мужески бо естество понудив,/

потщался еси худшее покорити лучшему / и
плоть поработити дѹху. / Темже монашествующих
явился еси верх, / житель пустынный, благотеку-
щих обучитель, / правило добродетелей изве-
стнейшее, / и ныне на Небесѣх зеркалом разрѣш-
шимся, / отче наш Иоанникие, / чїсте зрїши
Святую Троицу, / моляся непосредственно / о иже
верою и любовью чтущих тя.

И ныне, Богородичен или Крестобогородичен.

Подобен: Все отложше:

Оружие, якоже рече Симеон, / сердце Твое
прїйде, Пречистая Владычице, / егда узрѣла еси
из Тебе Возсиявшаго неизреченным словом, / от
беззаконных яко осуждена, / возносима на
Кресте, / оцтом и желчию напаяемаго, / ребра же
прободаема, / и рѹце и нозе пригвождаемы, / и,
рыдаючи, восклицаше, / матерски вопиючи: / что
сие, Чадо сладчайшее, новое таинство?

НА ЛИТУРГИИ

Прокимен, глас 7: Честна пред Господем смерть
преподобных Его. **Стих:** Что воздам Господеву о
всех: **Апостол к Галатам, зачало 213.** Аллилуия,
глас 6: Блажен муж, бояйся Господа: **Стих:** Сильно
на землї будет семя Его. **Евангелие от Матфея,**
зачало 10. **Причастен:** В память вечную:

Преподобный Иоанникий Ве-
ликий родился в Вифинии в 752 году
в селении Марикати (Малая Азия).
Родители его — Миритрикий и Ана-
стасия — были бедны и не могли дать
сыну даже начального образования.
С детства он должен был пасти
домашний скот — единственное до-
стояние семьи. Любовь к Богу и
молитва всецело владели душой отро-
ка Иоанникия. Часто, осенив стадо
крестным знаменiem, он уходил в
уединенное место и целый день мо-
лился, и ни вор, ни зверь не прибли-
жались к его стаду.

По приказу императора Льва IV
(775—780), многочисленные послы
собирали по городам и селениям
лучших юношей страны на военную
службу. В императорское войско был
принят и юноша Иоанникий. Он
заслужил своим добрым нравом лю-

бовь сотоварищей и как храбрый
воин был страшен врагам. Прослужил
святой Иоанникий в император-
ском войске 6 лет и невольно участво-
вал в преследовании иконопочитате-
лей. Однажды он встретил святого
подвижника, который обличил его в
иконоборчестве. Военная служба ста-
ла тяготить Иоанникия, душа его
жаждала покаянного подвига и уеди-
нения. И Господь призвал Своего
раба к Себе на служение.

Преподобный Иоанникий, отре-
каясь от мира, намеревался сразу
уйти в пустыню. Однако, по совету
опытных в монашеском делании
старцев, он еще два года прожил в
монастыре. Здесь святой привыкал к
иноческому послушанию, к монаше-
ским уставам и правилам, научился
грамоте, выучил наизусть тридцать
псалмов Давида. После этого, по

внушению Божию, преподобный удалился в пустыню. Три года пробыл он в глубоком уединении, лишь раз в месяц пастух приносил ему немного хлеба и воды. День и ночь проводил подвижник в молитвах и пении псалмов. После каждого стиха псалмопевца преподобный Иоанникий творил молитву, которую в несколько измененном виде хранит Православная Церковь до сих пор: «Упование мое Отец, прибежище мое Христос, покров мой Дух Святой». Случайно встретив своих бывших товарищей по военной службе, святой покинул пустыню и удалился в Контурийские горы. Лишь через 12 лет подвижнической жизни отшельник принял монашеский постриг. Три года после пострижения провел святой в затворе, опутанный веригами, после чего отправился в Хелидон к великому постнику Георгию (память 21 февраля). Подвижники прожили вместе три года. За это время преподобный Иоанникий выучил всю Псалтирь. Достигнув глубокой старости, святой Иоанникий поселился в Антидиевой обители и пробыл там в затворе до своей кончины.

70 лет провел в подвигах преподобный Иоанникий и достиг высокого духовного совершенства. По милости Божией, святой стяжал дар пророчества, как свидетельствовал ученик его Пахомий. Преподобный старец во время молитвы поднимался над землей. Однажды перешел разлившуюся в половодье реку. Святой мог сам становиться невидимым для людей и делать невидимыми других: так однажды преподобный вывел из темницы пленных греков на глазах у

многочисленной стражи. Яд и огонь, которыми завистники хотели уничтожить святого, не причиняли ему вреда, хищные звери не трогали его. Известно, что он освободил остров Фас от множества змей. Преподобный Иоанникий спас юную монахиню, готовую покинуть монастырь ради замужества; он взял на себя мучившую девушку страсть, а сам постом и молитвой уничтожил вражеское нападение.

Преудознав свою кончину, святой отошел ко Господу 4 ноября 846 года в возрасте 94-х лет.

Святые священномученики Никандр, епископ Мирский, и Ермей пресвитер (I), ученики последователя и сподвижника первоверховного апостола Павла святого апостола Тита (память 25 августа), были рукоположены им в священный сан. Подвизаясь в неустанных пастырских трудах, святые многих язычников обратили ко Христу. За это они были схвачены и приведены на допрос к градоначальнику Ливанию. Ни угрозы, ни угрозы властей не склонили святых мучеников отречься от Христа. Тогда Ливаний приказал их пытатель. Лютые, нечеловеческие муки вынесли святые: привязав к коням, волокли их по камням, тела рвали железными крючьями, бросали мучеников в горящую печь. Господь помог им вынести то, что человек своими силами вынести не может. Под конец мучители пронзили головы и сердца святых гвоздями и, бросив их в яму, засыпали землей.



Свята́го и блаже́ннаго Симо́на,
Христа́ ра́ди юро́диваго,
Юрье́вца́го но́ваго чудотво́рца

НА ВЕЛИЦЕЙ ВЕЧЕРНИ

На Го́споди, возва́х: стихи́ры, глас 6.

Подобен: Все упова́ние:

Все желáние ко Христу́ имел еси́, / предразсужде́нному бо от блага́го сове́та твоего́ / последовал еси́ произволе́нием, / своего́ Творца́ присносу́ща ве́дая, / волю́ Его́ испо́ллив, / всех в ми́ре се́м красóтных отвёрглся еси́, / и я́же по естество́у движе́ния / не обратив в я́же чрез естество́, / но в си́ех, я́же Созда́телю уго́дная шество́вая, / нача́тое в де́ло произвестí потща́лся еси́, / Богоно́се Симо́не, / во́льным буйством мир возненави́девый.

Весь от ю́ности тесный шество́вал еси́ путь, / и́же суть страсте́м убива́тельный и губи́тельный, / стоя́ние бо всено́щное, / ме́ру во́дную и хлѣба ску́дость, / подсмея́ния и поруга́ния, / отсече́ние во́ль своих прираже́ний, / терпе́ние, досажде́ния, нужду́, / наготу́, и мраз, и зной, / и прóчия ско́рби и искуше́ния, / усер́дно Христа́ ра́ди претерпе́л еси́, / но блаже́н еси́, та́ко ходи́вый, / я́ко твоё есть ны́не Ца́рствие Небе́сное.

Возсия́л еси́ в Георгиопо́ле, / я́ко звезда́ пресвѣтлая, / Христо́с бо в тебе́ просла́вился, / си́лу Свою́ в немо́щех твои́х соверши́вый, / о́чи же Его́ на тя призре́ша, / я́коже дрѣвле на ни́щаго Ла́заря, / егда́ от своего́ до́му изгна́вый тя, / подъя́т лишѣние супру́жницы, / я́коже прорéкл еси́, / Божѣственным бо словесѣм той не внима́ше, / я́ко обезчѣсти́вый убо́гаго прогне́вает Сотво́ршаго и, / но о нас, ты чествующих, блаже́нне, / со дерзнове́нием моли́ Христа́ Бо́га, / Изба́вителя душ на́ших.

Показа́ти всем хотя́ше Бог / Себе́ от Своего́ человеколю́бия побежда́ема, / я́коже дрѣвле и о Ниневи́и рече́, я́ко разори́тся, / и той не разори́ся, но одоле́ суду́ блага́ость, / си́це и о твоѣм, блаже́нне,

граде сотвори́ся, / внигда́ хотя́ше Вы́шний, твоё исполня́я проро́чество, / огнём егó наказáти, / но ты, я́ко сострадáтельнейший, / моли́твами, упова́я, о и́скренних подвизáлся еси́, / я́ко преодолéти твоимъ мо́льбамъ огня́ безстудству, / ходáтай бо явил́ся еси́ и́стинен к Бо́гу о согреш́ивших к Немú.

Богомúдре Симо́не, / ты потщáлся еси́ пребы́ти, я́ковъ со́здан еси́, / началообра́зную бо óну добро́ту и Цáрский óбраз / соблю́л еси́ непоро́чно, / не низвёдся в безсловéсных хúдость, / тем, я́коже Дани́ила дрéвле зве́рие и отроко́в огонь, / та́ко и тебé, во́дное естество́ ходя́ща верхú / сохрани́ невреждéна, я́ко невещéственна, / Сла́вимый бо тобо́ю просла́ви тя, / но Тогó я́ко Бла́га со дерзнове́нием ны́не моли́ / о спасéнии душъ нáших.

Похвали́ти тя кто возмо́жет, о преподо́бне Симо́не? / Я́ко бо во огне́, / живóт препроводи́л еси́ твой во мно́жестве, глаго́лю, искуше́ний, / искус́ився же, и победи́, я́коже Йов, / и нарече́ся свéтло при конце́ страдáльчествъ, / ни еди́нем от трысúщих мно́гих сýщих поколéблем, / но мно́гим úбо искус́твомъ иску́сителя поборе́й, / смерть же тебé исхода́таивша, / простýни не несподо́бил еси́, / я́ко пока́явшася и уразумéвша страдáнии та́йну, / извёстие сотвори́в ему́ неумалéнием издаéмых пéнязей, / прославля́юще тя Спа́су душъ нáших.

Слава, глас 8:

Приидíte, граждáнствующие в Георгиопóле, / винú радóсти обрётше духо́вныя, / безстра́тна зде и б́вша и познáннаго похваля́юще о Гóсподе, / возвесели́мся, сограждани́на сегó себе нарица́юще, / ны́не же крайняго рáди добродéтелей опáсства, / Гóрняго святýх сограждáнства удостóеннаго, / сей бо блаже́нный, украше́нии добродéтелей потщáвся, / о целомúдрии и чистотé попече́ся, / не то́чию внéшнее дóбре устрои́, / но пáче потаéнный сёрдца́ человекъ в нем неокра́дом соблюде́ся, / ничто́же бо и́но безстра́стие вмени́ бы́ти, / рáзве сёрдечное ума́ Не́бо, / и сегó рáди плоть úбо нетлénну сотвори́в, / ум же от тва́ри возвы́сив, / вся же чýства томú покорив, / лицу́ же Господню́ дýшу предста́вив, / вы́ше своея́ крéпости на Не́бо протя́жующюся, / воскресéние дýше прэ́жде телéс-

наго обрете, / к Немú же в дерзновении мно́зе, я́ко дерзнове́ние иму́щу, / к Жениху́ душ—Хри́сту, гряду́щему в полунощи, / ужаса́ющесея вку́пе и ожида́юще / Того́ ужаснаго войстинну и стра́шнаго прише́ствия, / вжéгше свещи́ своя, елеем просвеще́нныя, возопи́ем: / блаже́нне и приснопа́мятне Си́моне, / пла́чем зде посе́явый, / но в радости натрижне́ние восприе́млем, / моли́ся ко Го́споду / смири́тися и нам под крѣпкую ру́ку Его́ / и спасти́ся душа́м на́шим.

И ныне, Богородичен: Царь Небесный:

На литий стихи́ры, глас 1:

Да ра́дуется днесь ве́рных мно́жество, / обсто́яще ра́ку уго́дника Христо́ва Си́мона, / честна́,— приглаша́юще* —, пред Го́сподем смерть преподо́бных Его́, / той бо при́ят от Подвигополо́жника Христа́ дар чу́дес, / по преставле́нии бо своём многовре́менно боля́ща, явлься, пресла́вно исцели́, / и жену́, подобне боле́знующую, / чуде́сным си явлени́ем недуга преме́ни, / и различная иная исцеления, / и очесём боле́знующим здра́вие подава́ет, / и во вре́мя запале́ния гра́да очеви́ден бысть сострада́тель, / в различных бо ме́стех, ходя́, явля́ясь, / плач, я́коже Иеремия́ о Иерусали́ме, / та́ко он о своём гра́де творя́ше / и ны́не мо́лится Го́сподеви поми́ловатися душа́м на́шим.

Глас 2:

Христо́ва рачи́теля, прииди́те, Си́мона днесь ублажи́м, / вся кова́рства вра́жия низложившаго / и к высоте́ безстра́стия дости́гшаго ра́зума чистото́ю, / апо́стольское завещание́ де́лом испо́лнившаго, / в ве́це бо сем юро́д бысть, / я́ко да Бо́гови мудр бу́дет, / тем и благода́тию Того́ проро́чески хотя́щая бы́ти предрече́, / и челове́ческая помышле́ния не утайшася его́, / и от исто́пления вмале́ поги́бнути иму́щаго свободи́, / и вели́кия реки́ широту́ / верху́ вод пре́йде, я́ко безвеще́ствен, / я́коже иногда́ Иорда́н во преподо́бных изя́щнейшая**, / но и ны́не того́ призыва́ющим помо́щник обрета́ется / и моли́твенник ко Го́споду о спасе́нии душ на́ших.

* приглаша́юще — возглашая

** во преподо́бных изя́щнейшая — среди преподо́бных лучшая; здесь имеется в виду преподо́бная Ма́рия Египетская (†522, па́мять 1 апреля), перешедшая реку́ Иордан, как по суше.

Глас 7:

Творит Господь Вседержитель святым исповедати, / якоже писано есть вся чудеса Его, / возвещает мимошедшая и будущая / и открывает след тайных и благоверным дает премудрость, / сия показа на рабе Своем блаженном Симоне, / ему же, яко верну сущу, / дарова премудрость Свою, в тайне сокровенную, / и яко юрда суща от мира избра, / да премудрия посрамит, / зане буже Божие премудрее человек есть, / и немощное Божие крепчае человек есть, / того молитвами, Мудросте и Сило Бога и Отца Иже бысть, / нам премудрость от Бога, правда же, и освящение, и избавление, / дивный во святых Своих / удивь в нас богатыя Своя милости, яко Человеколюбец.

Слава, глас 5:

Целомудраго мужа и доблественна, / иже, яко Лазаря, в напастех наказавшагося / и, яко злато огнем, злострадания очистившагося, / днесь в памяти его, сошедшеся, ублажим / и, молящеся ему, возопием: / человеце Божий, Симоне, всеблаженне, / понеже вемы, яко болезновавшая твоя зде душа / близ есть ныне Бога, / помяни в вечном сый ведре / бурю жития нашего суетнаго / и молись о нас ко Христу Богу, / Иже Петра древле, страждуща в волнах, / погрязнути не попустившу / и тебе, верху вод ходяща, невредна сохранившу, / да подаст нам втораго Его пришествия присночашим, / нескверным и непорочным обрестися в мире / и спастися душам нашим.

И ныне, Богородичен, глас тойже:

Блажим Тя, Богородице Дево, / и славим Тя, вернии, по долгу, / град непоколебимый, стену неборимую, / твердую Предстательницу и прибежище душ наших.

На стиховне стихиры, глас 8. Самогласен:

Блаженне Симоне мудре, / основание положив добродетелей, / еже древняго человека совлещися с похотью / и во Христа — Истину облещися, / и сего ради обличил еси многая врагов ополчения / и мира прелесть юродством вольным оплевал еси, / моли спастися душам нашим.

Стих: Честна́ пред Го́сподем / смерть преподо́бных Его́.

Богонóсе и преблаже́нне Симо́не, / ты слеза́ми зéмлю омака́ше, / не дал еси́ сна тво́йма очы́ма, / ниже́ вежда́ма дрема́ния, / сердéчное же́лание явля́я ко Христу́ Бо́гу, / Егóже возлюбил еси́ / и вся́кия добродéтели вид испр́авил еси́, / тем ты ублажа́ем, / Христа́ велича́юще, Ты просла́вльшаго.

Стих: Блаже́н муж, бойся Го́спода, / в за́поведах Его́ восхо́щет зело́.

Блаже́нне Симо́не чу́дне, / ты у́бо, возше́д на ле́ствицу добродéтелей, / по ней же к Го́рнему востéкл еси́ Иерусали́му / и та́мо узрél еси́ / преже́лаемое Влады́ки и Царя́ Христа́ кротча́йшее лице́, / тихима очы́ма Си Божéственными взира́юще на ты, / Егóже моли́ блаже́нные тоя́ и нам сла́вы не отпа́сти, / ниже́ искуше́ния прияти вéчных и непостоя́нных мук, / но спасéние получи́ти / и со избр́анными вéчная благая́ и вéлию мýлость.

Сла́ва, глас 6:

Днесь верхо́внаго в мýченицех / присносла́внаго Геор́гия / град, нарече́нный именов́анием святы́м, / в па́мь тезоимéннаго, / ю́родственно в нем поживша, / торжество́ свéтлое составля́ет, / и гроб его́, обсто́им, зрýтся, / иже яснее трубы́ глася́щ, / сво́я согра́жданы уча́щ подо́битися жити́ю его́ добродéтельному, / грядéт бо, — глаго́лет, — хотя́й воста́вити вся́, во гробéх спя́щия, / всем вся́, я́ко на мэриле положи́ти пра́ведным Судом: / и одея́ние, и сло́во, и размышле́ние, / еди́но бо и конéчное Суди́ще всех ожида́ет войсти́нну стра́шное, / па́че же сегó ра́ди и стра́шнейшее, / занéже пра́ведно тогда́шня у́бо неисповеди́мая нужды́ избежа́ти нам, / о уго́днице Спа́сов Симо́не, / помина́й о нас ко Го́споду, / и да сподо́бит ны в трéпетное Его́ прише́ствие / срéсти Его́ на облацех со святы́ми Его́ в ра́дости, / с ними́ же ты ны́не радуе́шися, / ожида́я конéчнаго воздая́ния / во о́бщее всех воскресéние.

И ны́не, Богородичен.

Тропарь, глас 8:

Яко войстинну гласа апостольскаго / послушатель был еси, блаженне Симоне, / Христа бо ради изболлив имети буйство, / в немже соблюл еси твою к Богу добродетели, посреде молв некрадомы, / терпением убо пачеестественным Христа подражав, / посрамил еси льстиваго всю гордыню, / тем и в лотых ранах, якоже древний Лазарь, / в недра Авраамля преселился еси, / идеже и ныне утешаяся, посещай град твой, / почитающий любовь святую память твою.

НА УТРЕНИ**По 1-й кафизме седален, глас 1:**

Измлада разумев твою кротость и незлобие, Симоне всечестне, / Един преблагий Бог от лукавства посреде мятежнаго мира невредна ты соблюде / и славы сподоби ты страданий твоих ради, / о всех нас не премолчи, Владыку блажаши.

Слава, и ныне, Богородичен:

Царицу Деву Тя проповедует Давид, Пречистая, чисту, / темже молюся Ти, Небеснаго мя Царствия сотвори наследника, / яко да ублажаю Тя.

По 2-й кафизме седален, глас 3:

Чудес приял еси Божественную благодать, Богомудре чудотворче Симоне, / вся верных страсти очищая и дүхи лукавства потребляя, / сего ради ты воспеваем яко угодника Христова приснопамятна.

Слава, и ныне, Богородичен:

Недомыслимо и непостижимо есть, Владычице Богоблагодатная, / соделанное на Тебе страшное таинство, / ибо Необыменнаго Бога зачнши, / родила еси, плотию обложена от чистых кровей Твоих, / Егоже, Чистая, яко Сына Твоего присно моли спасти души наша.

По полиелѣи седален, глас 4:

Постом и воздержанием, и на земли леганием увядил еси плотския страсти, / душу же просветил еси / и на Небесех от Христа велико возмездие восприял еси, / тем достоин сосуд чудес и по

кончине явился еси притекающим к мощем твоим, преблаженне, / моли Христа Бога грехов оставление даровати / почитающим любовь святую память твою.

Слава, и ныне, Богородичен:

Обновила еси, Пречистая, Божественным Твоим рождеством / истлевшее страстьми земнородных мертвенное существо / и возставила еси вся от смерти к жизни нетленной, / тем Тя по долгу ублажаем вси, Дево Препрославленна, якоже прорекла еси.

Степенна 4-го гласа, 1-й антифон. Прокимен, глас 7: Возвеселится праведник о Господе / и уповает на Него. **Стих:** Услыши, Боже, глас мой, / внегда молити ми ся к Тебе. **Евангелие от Луки, зачало 44.**

По 50-м псалме стихира, глас 6:

Иже себе самого познавший / во всяком чувстве души Симон дивный, / на земли сея простоту вольного юродства, / иже смиренномудрие процвети сотвори / и тем постиже страха Господня разум, / сим же шествовав, / во врата любви dospев чистыя, милостивый, / и нетленные чистоты бысть сокровище некрадомо / и тако духов нечистых лукавству одоле благочестивым художеством, / того молитвами, / о Троице Святая и поклоняемая и долготерпеливая, / всем в будущий век познаться имущая, / овем убо сиянием, овем же мучением, / молим Тя первого убо речения причастники ны сотвори, / другого же свободены покажи / великия ради милости Твоея.

Канон Богородице со ирмосом на 6 и святого Симона канон на 8, глас 8, егоже краестрочие: Блаженному четверицу десятиц гимнов приношаю.

Песнь 1

Ирмос: Сокрушившему брани мышцею Своею / и проведшему Израиля сквозе Чермное море, / поим Ему яко Избавителю нашему Богу, / яко прославися.

Божью силу — Христа, и Божию премудрость: / начало ми премудрости — страх Твой, / иже уклоняться от зла весть кто одесным

придержáщихся,—/ подáти молю,/ во ёже быти ему́ и к совершенству касáемых споспéшника.

Любомудрие от младенства, блаженне, возымёл еси́,/ ёже есть поучéние смёртное,/ от доброты́ же зрímых Предобраго познав, Безконéчнаго, и Превеликаго,/ и всяк разум во множестве силы́ Своея́ превосходящаго Бóга,/ потщáлся еси́ души́ доброту́ непорóчну стяжáти.

Алфавит прискорбнаго жития́,/ егóже лэствицы́ чудный предложí списáтель,/ неуклóнно совершити́ сподóбился еси́, Сímоне приснопáмятне,/ простоты́ с незлóбием и безстра́стия дом быв / и подражáтель Влады́чен от пóмощи Влады́чни.

Трои́чен: Желáний всех крайнейшее — Вседержíтеля Бóга, / в Трóице úбо Лиц Ипостáсьми разделяемаго, вёрнии, прослáвим, / Единаго же, Божéственным Естество́м Сýща, / Безначáльна, Присносýщна, Непостíжна и Несказáнна.

Богорóдичен: Еди́ну надежду вёрных и к Бóгу Ходáтайцу воспойм Влады́чицу мíра, / спáсшися Пречíстым Рождество́м Ея: / ра́дуйся,—вопиóще Архáнгельский глас,—всея́ твáри Честнэйшая, / Госпóдь с Тобóю и Тебе ра́ди с нами, спасáй нас.

Песнь 3

Ирмо́с: Утверди́ся сёрдце моё во Гóсподе, / вознесёся рог мой в Бóзе моём, / расшири́шася на враги́ моя́ уста́ моя́, / возвесели́хся о спасéнии Твоём.

Начáло спасéния—страх Госпóдень имéв, / имже ограждён, в ненаселённая еди́н потéкл еси́ местá, / идéже я́коже дрéвле Ёздра, но́чь и за́втра б́дущи, / пребывáл еси́, моля́ся, / я́ко да пока́жет Вы́шний свётлость и вели́чество Небéснаго Си́она.

Не обучи́лся еси́ лéности, блаженне, / но терпéнию Христá ра́ди, / ведя́ше предписáнное, я́ко терпели́в муж — мног в мýдрости, / ю́же скрыл еси́, я́ко б́сер, в та́йне б́йства, / егда́ от текто́нов*, обрётшихся в пусты́ни, прéдан, / да вразумля́ешися от пресв́itera.

* от тектонов (греч.)—от плотников

Образ Божий—тебѣ самаго—опасно ведая,/ оставил еси временная, делатель быв к Богу подобия,/ от произволения бо исправлял еси должное/ и, в селе живя и во град прешед, неизменно,/ яко сбьтися на тебѣ реченному:/ желанія благочестивых наслаждают душу.

Троицен: Мудрость, Силу, Свет и Жизнь—/ Слово Божие—прославляти, вернии, усердствуим,/ благоволением бо Безначальнаго Отца и содейством Святаго Духа/ свободи ны, земнороднии, от работы вражия, яко Человеколюбец,/ носяй вся глаголом силы Своея.

Богородичен: Углебох в тимении дел моих злых,/ сего ради недоумеваю, помышляя страх, хотящий быти согрешающим,/ но имущая бездну благостыни, Владычице Семилостивая,/ к покаянию настави мя, яко вся могущая.

Седален, глас 8.

Подобен: Повеленное тайно:

Повеленное Господем приим в разуме в клети души своея,/ тцанием крест Его, еже есть подражание спасительнаго жития Его,/ смиренномудренно Симон блаженный понесе,/ якоже иногда грядый с села Кириной,/ Крест, нань возложенный, по Грядущем на страсть вольную, ношаше,/ и сего ради блажен обретесе, яко плоти не последова,/ и, чудеса ныне точа, веселит зывающия к нему:/ радуйся, угодниче Христов всечестне.

Другий седален, глас 4.

Подобен: Скоро предварі:

Явился еси чуден в терпении твоём,/ всячески Христу угодив, преблаженне Симоне,/ мудрою мыслию утвердил еси душу твою,/ поработив плотская мудрования духови,/ избрал еси благую часть, еже Бога ради труждатися мужески, глаголаше:/ аще и яра зима, но сладок рай,/ болезненно труждатися, но блаженно восприятие,/ темже, праведне, моли Христа Бога спастися душам нашим.

Слава, и ныне, Богородичен:

Поём Тя, Богоневесто, Мати Христа Бога,/ славяще рождество Твое непостижимое,/ имже

избáвихомся от лэсти диáволи и всякiя беды,
Владычице Богородице, / и véрою вопиём Ти:
помилуй стадо Твое, Едина Всепётая.

Песнь 4

Ирмос: Услышах, Господи, слух Твой и убоях-
ся, / яко неизречённым советом, / Бог Сый Присно-
сущный, / от Дёвы прошёл еси, воплощься: / слава
снизхождению Твоему, Христе, / слава силе Твоей.

Чистоту, яже есть естества пачеестественное, /
вьше естества отвержение / и безтелесным телесé
мёртвеннаго и тлённаго преславное войстинну
общение, / чистолюбец Симон возлюбй, / желанием
бо желание возрази / и огонь вещественный неве-
щественным угасй.

Едине Безсмертный Царю, Истино и Благосте
вечная, / благословён еси и препрославлен, якоже
рекл еси пророком, / исполнил еси и ныне в
субботствование благих дел, / се бо призрёл еси на
кроткаго, и молчаливаго, и трепещущаго словес
Твоих, с нимже Тебе вопиём, Христе: / слава силе
Твоей.

Тайным поучением Христов раб — начало убо
блаженного незлобоимения, / аще и в горести
души и болезни, / обаче со благодарством безче-
стие и поругание от простыя приимаше, / одолев
же прочее, без печали пребывая, / и якоже благо-
хвалением красуясь, и пояше Господеви: / слава
силе Твоей.

Трбичен: Все вернии, со страхом прославим
Святую Троицу, / поклоняющуюся Отцу, и Сыну, и
Святому Духу, / в Сыне Отца знающе, в Дусе
Сына, / в Яже веровахом, Имже счинихомся, /
прежде, неже разделяти, совокупляюще, вопи-
юще: / Трисвятый Боже, слава силе Твоей.

Богородичен: Едину Богородицу господствен-
но и истинно / Пресвятую и Пречистую Дёву
Марию, проповедающе, возвеличим, / из Нея бо
воплотился, Отчих недр не отступльше, Божие
Слово, / неописанно и непостижно, якоже весть
Сам, / приём начаток нашего смешения — плоть,
одушевленную душою словесною же и умною, / и
спасе зовущия Ему: / слава силе Твоей.

Песнь 5

Ирмос: Мрак душъ моея разженъ, Светодавче Христѣ Бѣже, / началорѣдную тьму изгнавъ бѣздно, / и даруй ми свет повелѣний Твоихъ, Слове, / да утренюя, славлю Тя.

Рукоять твою, приснопамятне, с радостию ныне восприемлеша, / ходя бо в мире сем в совершенном нестяжаньи, / не имея где главы поклонити и плачем метая семена добродетелей, / утешения вѣчнаго сподобился еси.

Имство* и непостижно Божия промысла на тебе познася, блаженне Симоне, / попусти бо тебе, яко крепка воина и праведна суща, / напастем предана быти, / яко да таящуюся в тебе добродетель покажет иным, / якоже и в Йове.

Цельбу даровал еси гортани пресвитера, / но не аки буйством содержимый, / иже и потече здрав яко секрет** ко своимъ, пребывающаго тя в сущем по естеству, / яко голубицу посреде крагуев***, / в мире сем народу возвещающе.

Трѣичен: Ученъми красящеся апѣстол, и пророк, и учитель, / исповѣдуем и славим Святую Трѣицу, / яко Единъ есть Бог, / сиречь Едино Естество в Трехъ Ипостасехъ знается же и есть, / и яко Отецъ, и Сынъ, и Святыи Духъ по всемъ Едино суть, / кроме нерождения, и рождения, и исхождения.

Богородичен: Духу Святому, якоже Архангелъ рече, нашедшу на Богоотроковицу, / присени Ю Ипостасная Вышняго Мудрость и Сила — Сынъ Божий / и созда Себѣ из нескверныхъ и всечистѣйшихъ кровей Ея плоть одушевленную / не семенно, но содетельно во спасение нас, / поклоняющихся Божественному воплощению Его.

Песнь 6

Ирмос: Якоже пророка избавил еси / из глубины преисподня, Христѣ Бѣже, / и мене от греховъ моихъ избави, яко Человеколюбецъ, / и управи живот мой, молюся.

* имство — свойство

** секрет — сейчас, только что

*** крагуев — ястребов

Еже ўбо Ада́м имяше прэ́жде преслу́шания, / сие́, блаже́нне Си́моне, ты соблю́л еси́, / а́ще бо и на землі́, живя́, был еси́, / но душе́вно А́нгелом сожи́тельствоваше, духо́вными пита́яся помы́слы, / наг простото́ю и жи́знию безхи́тственною.

Созда́телю твоemú угожда́я, / был еси́ незло́бив, прав, кро́ток, смиренномúдр, / вся́кою добродете́лю освяще́н, / по о́бразу бо, е́же есть у́мное и самовла́стное, соблю́л еси́ невреди́мо, / по подо́бию же, е́же есть добродете́лю, по возмо́жному Бо́гови угоди́л еси́.

Язык твой, преподо́бне, на тайнственное сла-восло́вие Бо́жие отлучи́л еси́, / и́мже и прорéкл еси́ озло́бившему́ тя лишéние супру́жницы / и Ло́нгину предвозвeсти́л еси́ кúпли приобре́тение и к своимú здравое возвращéние, / я́ко бо настоя́щая, открово́ения тебе́ бы́ша бuду́щая.

Трoичен: Трoице Свята́я и Пресу́щественная, / Пребоже́ственная, Преблага́я, Препол́ная, / вся нача́ла и чи́ны определя́ющая / и вся́кому нача́лу и чи́ну Непостижи́мая, / Ца́рствующая Безконéчным и Безсме́ртным Ца́рством, / поми́луй ны, Тя ве́дущая, Истиннаго Бо́га на́шего.

Богорoдичен: Из Тебе́ возсия́ Пра́ведное Со́лнце—Иису́с Госпо́дь, Царь Сла́вы, Присноде́во Богорoдице, / к Немúже Ма́тернюю Твою́ о нас, грéшных, принеси́ моли́тву, / да спасéт ны, я́ко Человеколю́бец, сла́вящая Тя, / влады́чествующую все́ми тва́рьми, ви́димыми и разумева́емыми.

Конда́к, глас 4.

Подoбен: Вознеси́йся:

Возгорéвся рачéнием Го́рним, / же́стость * во́ль-наго юрoдства па́че все́х сла́дких ми́ра предпочёл еси́, / отону́дуже повинúся ти огонь, / от его́же запале́ния град твой Ю́рьевец изба́вил еси́, / и во́ды немóкренно, я́ко по сýху, прешёл еси́, / и хотя́щая бы́ти предрéкл еси́, / просла́вльшу́ ты́ тако́ Бо́гу, / к Немúже моля́ся, и о нас, пою́щих ты́, / блаже́нне Си́моне, помина́й.

* жестость—суровость

Икос:

Иже до трэтияго Небесэ восхищённый в рай, / сокровищу духовному в скудельных сосудех обретатися сказует, / образно предначертá буйство, еже неции возымеша святїи, / в нёмже сокровище Божественных деяний неявлённо соблюдоша, / от нихже Сїмон Юрьевецкий в вольном своём юродстве / Небеснаго Бóга Отца Ипостасней Мудрости и Сїле / пáче всякаго плодоприношения, плоды жития своего принесё, / яже стяжá во трудех, бденїях же и слезáх, / во гладе и жáжде, зимé и наготé, / пхánиях, ругánиях же и рáнах, / егóже Избáвитель от мїра я́ко юрóда избрá, / е́му суща премудра, и прослáви, / прóчая же услышите, елика дивный сей, / мёртвость Гóспода Иисуса нося, чудодéйствова в житїи своём, / пáче же и по преставлениї прїсно тóчит цельбы, / к нему́ же мы прилэжно воззовём: / блаженне и праведне Сїмоне, / ко Гóсподу моляся, и о нас, хвáлящих тя, поминай.

Песнь 7

Ирмос: *На по́ле Деїре иногда́ мучитель / пещь поста́ви на мучение Богонóсных, / в нейже три óтрока песнослóвяху Едїнаго Бóга, / трóично воспева́ху, глаго́люще: / отецъ Бóже, благословён еси́.*

Царствия Небеснаго возжелáл еси́ быти наследник, / егóже злóбою дётствующиї улучáют / и сегó рáди, младénческое незлóбие имéв, / простоту́, крóтость же и тїхость стяжáл еси́, / я́ко терпéнию утверждéние, / воспева́я благїх Дáтелю: / отцевъ Бóже, благословён еси́.

Граду Юрьевцу озарéние показáлся еси́, Сїмоне Богомудре, / я́коже бо узрé тя Петр óный, / путешествующа по водам великорéчным, я́ко не вещьественнымá ногáма: / о, коль дивен еси́, Гóсподи, во святыхъ Своїх, / — возопї; / трéпетен же быв, славослóвляше воспéтаго отцевъ Бóга благословённаго.

Ипостáси Óтчия харáктуре и осїяние слáвы Егó, / жувúщая Мудросте и Сїло, їстово Ипостáсное, Существенное, / Иисусе Бóже, молимъ Тя, Животé и Воскресéние наше, / испóлнитися на нас

Твоему чрез пророка Твоего обетованию, / еже не погубити ны за наша беззакония, / ради послужившаго Ти в преподобии и правде, / обрэтшагося во граде сем, якоже зерно на грозде.

Троицен: Молитвенников Твоих не забуди гласа, Троице Пресвятая, / вся бо, елика хощеши, можеша, / помилуй Богословящая Тя, Отче, Слово, Утешителю, / Единое Божество, Единое Господство, Единое Царство / в Трех Совершенных Ипостасех неслитно соединенных, / знаемо же и покланяемое от всего словеснаго здания.

Богородичен: Надежда ненадежных Ты еси, Благая Богородице, / помилуй стадо Твое, Богородованная, / веси убо, Царице, яко неизлечными грехов ранами изнуряеми / и ко вратом погибели доспехом, / Твое страшно и единое предстательство в помощь призываем, / не отрини достояние Твое, / но спасения сподоби, во веки Тя благословящее.

Песнь 8

Ирмос: Разжгите печь седмерицею, / дондеже до конца разгорится, — мучитель рече халдеом, — / Ананию, Азарию и Мисайла, вложите я в ню, / иже образу златому не поклонишася, но глаголаху: / мы Бога имама на Небесех, / Емуже служим и покланяемся.

Объятиями своими приемля младенцы, / рождшими приносимыя к тебе, / иже, по предопределению Бога, ведети тебе дающего откровение, / о житий их преподавал еси, / чудеса чудесем тобою последоваша: / от нихже бо отвращался еси, / печали сетовное о хотящей на чада их приити смерти приемлюще, / принешия я жены отхождаху, / но слава тако тя прославльшему Богу, / Емуже служим и покланяемся во веки.

Войстинну исполнися на тебе Божественный глас: / претерпевый, — бо рече, — до конца, той спасется. / Зимы бо лютость и зной доблественно, якоже в чуждем телеси, / и наготу, и необувение, пост же и воздержание, / пхание же и унижение Христа ради терпел еси / даже до совершения жизни твоея, / но ныне ты греет с Лазарем и

Андреем лоно Авраамле, / с ними же поминай нас ко
Господу, / Ему же служим и поклоняемся во веки.

Пострадал еси неправедное озлобление и раны, / в них же и душу твою, блаженне, испустил еси, / обаче во веки живещи и от Господа мзда твоя, / приял бо еси Царствие, благолепие и венец доброты от руки Вседержительевы / и благословение Его на тебе возсия / и чудес детельми ты обогати, превозносяща Его во веки.

Троицен: Руце мой воздеваю к Тебе, Триипостасному Богу, дающему ми разум, / воздаю Ти славу, Трисолнечный Царю, / Ты бо велик еси паче всех дел Твоих, / страшен еси, Господи, зело и чудно можение Твое, / кто же насытится, поя славу Твою, / сего ради исповем Ти ся и восхваляю, недостойный, / земля сый и пепел, / и благословлю Имя Твое Пресвятое, Господи, и поклоняюся во веки.

Богородичен: Избавления ради смертнаго молюся Тебе, / Всесильней Матери Бога Слова: / не остави мя во дни скорбей и во время гордых без помощи / и изми мя, Владычице, от времени лукавна, / весь мир спасающая Божественным Плодом чрева Твоего, / спаси мя от пагубы греховныя, / иного прибежища, окаянный, не имам, разве Тебе, / на Тя бо, Всемилостивая, надеюся и Тебе поклоняюся во веки.

Песнь 9

Ирмос: Устрашися всяк слух / неизреченна Божия снизхождения, / яко Вышний волею сниде даже и до плоти, / от Девическаго чрева быв Человек. / Темже Пречистую Богородицу, вернии, величаем.

Ныне убо не в гаданиих, но зерцалом разрешшимся / познал еси благая Иерусалимова, от познавшего ты приемля радость вечную, / со святыми достигл бо еси в мужа совершенна, / в меру возраста исполнения Христова, Его же величаем.

Огнь поядаяй есть Бог наш, / Его же моли, блаженне Симоне, / грехи наша потребити и спасения сподобити ны, / твоя доброты собирания ткущих, / по победе бо трех мучителей, еже

есть души трича́стнаго, / возт́екл еси́ к зр́ению
соверш́еннаго м́ира / и Тр́оицу пр́исно зр́иши, Ю́же
велича́ем.

Ш́ествие твоё бысть, блаж́енне, / от вр́еменных
на в́ечныя радостотв́орно ўбо Неб́есным А́нгелом, /
сопрот́ивней же лука́ваго си́ле — плач и пад́ение, /
я́коже вр́анове обра́зно показ́аша, / но и нас, тя
честв́ующих, о Неб́есный х́одче, / твоегó теч́ения
ревнители́ показ́ати моли́, / па́че же варя́й и
предводи́ ны к соверш́енству добродей́ний, / йми́-
же сла́вится Бог, Егóже велича́ем.

Троичен: Адо́най, Ѓосподи, Нерожд́енное, и
Рожд́енное и Происхо́дящее, / Еди́но Естество́,
Тр́оице Свята́я и Соверш́енная, / Еди́не Бóже над
все́ми, и чрез́ вся, и во все́х, / Твоё есмь́ де́ло, а́ще и
удали́хомся, гр́ешнии, от Теб́е, / но и па́ки к Теб́е,
Преблаже, востяѓни ны, / мо́лим Ти ся, Человеко-
лю́бче, / и град сей поми́луй, / Тя, Трисо́лнечнаго
Св́ета, пр́исно велича́ющий.

Богорóдичен: Ю́же изб́рал еси́ от всех родóв,
Пресла́внейшую Д́еву, / душе́ю и плóтию предочи-
щенную Д́ухом / и от Нея́ неизрече́нно родит́ися
благоволи́вый, / о Бóжий Сло́ве — Прев́ечне, Нев́и-
диме, Непостиж́име, Исто́чниче жи́зни, / Теб́е при-
вóдим в моли́тву, / Тоя́ ра́ди спаси́ вся лю́ди Твоя́, /
да Тя пр́исно я́ко Человеколю́бца с Рóждшею вси
в́ернии велича́ем.

Свети́лен:

Ви́дев Кр́епкий управл́ение твоё и чистоту́, /
ю́же имёл еси́ от ю́ности твоея́, / и сегó ра́ди от
от́ечества твоегó преселя́ет тя странствовати во
град Ю́рьевец, / показ́ати ч́удная соде́лования на
сла́ву Бож́ественных Егó вели́чий, / Егóже м́ло-
стива нам сотвори́ моли́твами твоими́, блаж́енне
Симоне.

Слава:

Сей есть от нас днесь похваля́емый воистинну,
в́ернии, / и му́дрый раб Влады́чен, / йже теплоту́
свою́ сохрани́ неугасшу / и да́же до своегó исхо́да
по вся дни прилаѓати огонь́ огню́, / и теплоту́
теплотé, и лю́бовь любви́, и спéх спéху не престá, /
егóже просла́ви Христóс, наде́жда душ на́ших.

И ныне, Богородичен:

Возвыси рог благочестивых и низложи варваров шатания, Богородительнице Приснодево, / необоримо спасаючи сие стадо Твое, / в немже великое Твое пресвятое и многославное имя величается верно и славится / молитвами угодника Твоего Симона приснопамятнаго.

На хвалитех стихиры, глас 8.

Подобен: О, преславнаго чудесе:

О, преславнаго чудесе, / Троицы Пресвятыя благодатию / град наш трети угодники Ея красуется: / Георгий бо, слава и верх мучеников, / винovníк наречения его бысть / чудеснаго ради иконы его странноявления, / другой же благочестивый князь и страстотерпец / создания его начальник бысть, / Симон же житием и положением в нем мощей своих освяти его, / и вси трие купно молятся Господеву / спастися душам нашим.

Трети украсихся и стах красна пред Богом и человеки, — / мудрость Божия вопиет, — / Георгиями бо двема и Синомом град сей озарит, / иже ныне яко братия совокуплены / в радости и в любви Духа, яко искреннии, / в них же Бог прославляется, / имиже яко дивный во святых Своих / спасает души наша, яко Милосерд.

О блаженне и чудоточе Симоне, / не престаи моляся Христу Богу / спасти притекающия к честному твоих мощей гробу, / всяких искушений, бед же, и скорбей, / и недугов, и лукаваго враждования, / мир же и благоденствие со здравием всем даровати, / и наследие Небеснаго Царствия, / и граду твоему милость получитьи от Бога, / почитающему достойно память твою.

Слава, глас 8:

Радуйся о Господе, послушнике Евангелия Симоне чудне, / ты бо, тело твое хотя чисто представить Христови / и сердце без порока пред Ним показать, / соблюл еси безгневие, воздержание же и терпение, / во всем же житии твоём Божественное разсуждение стяжав, / яко свет невидимый добродетелей, / и сего ради честна явися пред Богом смерть твоя, / юже мы днесь, почитающе яко виновну твоего к вечному покою

отшѣствия / и радующесея, вопиѣм ти: / молися, блаженне, о нас ко Христу Богу, / яко да Милостив нам будет в день Судный.

И ныне, Богородичен:

Преславнейшая Владычице и Царице, / Единого от Троицы неизреченно родившая, / радуйся, Небесных сил радование, / и земленородных Божественная славо и похвало, / Тобою бо познася нам Бог, / сугуб Естеством во Единой же Ипостаси, / Иже убо Сый и присно Сый, / из Присносущаго паче вины и слова родися безлетно, / Тойже нас ради, из Тебе по нам быв послежде, / яко да еже быти дав, и еже благо быти дарует, / Егоже моли, Преблагословенная и Премилостивая Богородице Марие, / со угодником Твоим Симоном / презрети наша согрешения / и мирное zde житие даровати нам / и вечнаго блаженства сподобити нас, / Ты бо еси наша надежда, и покров, и спасение душ наших.

Славословие великое.

НА ЛИТУРГИИ

Служба преподобническая по уставу.

Молитва

О Всесвятія, Живоначальные и Нераздельныя Троицы истинный угодниче и верный рабе, блаженне и приснопамятне Симоне! О избранниче Божий, аще и миру яко юрод бывый, но премудрыя житием твоим удивляй! О преукрашенный добродетельми дивный чудотворче Симоне! Се присно ублажаем и ублажати тя будем, предублаженного Господем нашим Иисусом Христом. Ты бо, поревновав всех праведных блаженству, оставил еси вся мира сего переходящая, и вослед верныя нашей радости и воскресения Всесладчайшаго Иисуса потекл еси, и всеильною Того помощью даже Горняго Сиона достигл еси, идеже есть веселящихся жилище. Ублажающе убо тя, прилежно молим, праведный человеке Божий: призри на ны, во многая искушения впадающия; моли о нас неизреченную всех человек радость и упование, Собезначальнаго Отцу и Духу Единороднаго Сына и Слово Божие, да и нас, того непамятозлбное

милосердие прогневляющих, не оставит и вся на пользу нам да устроит, паче же да утвердит ны во своей Православней, истинней и непорочней вере непоколебимы и праведными Своими судьбами да спасет нас, ниже да попустит ны искуситися паче, неже можем, от бед же и печалей, присно на ны zde грех ради наших бывающих милостивно нас да избавит. Ей, молим тя, рабѣ Христов: якоже в жизни твоей на требующия помощи призира́л еси, тако и ныне нас, тебе молящихся, не отврати, но предстани о нас ко Господу и от лю́тых падений молитвами твоими изми нас. Умоли Егѡ, да град твой сей, в немже, добродетельно пожив, Богу угоди́л еси, сохранит от всѣх навѣт вражиих и лю́ди, в нем живущия, вѣчныя жизни достойны да покажет. Паки молим тя, блаженне Симоне: посещай нас, тебѣ молящихся, в нуждах наших, да, тобою заступаемы, непрестанно прославляем Христа Бога нашего, тѣплаго предстателя нам тя даровавшаго, яко Тому подобает всякая слава, честь и поклонение со Отцем и Святым Духом ныне, и присно, и во веки веков, аминь.

Блаженный Симон Юрьевецкий родился в селе Братском Костромской области в благочестивой семье крестьян Родиона и Марии Шитовых. Во святом Крещении он был назван Симоном, в честь святого апостола Симона Зилота (память 10 мая). С юношеских лет Симон принял на себя особый подвиг юродства Христа ради и ушел из родительского дома в дремучие леса, около села Елнати.

Однажды елнатские поселяне увидели в лесу человека, изможденного, в одной рубахе, босого, который назвал им только свое имя — «Симон». О нем сообщили местному священнику Иосифу, и тот взял блаженного в свой дом.

Святой Симон начал ходить по домам елнатских жителей и помогал им в исполнении самых трудных работ, но плату не брал. Несмотря на постоянные труды, он часть дня и ночи усердно молился, изнурял свое тело постом и любил посещать храм Божий.

Зимой и летом он ходил только в льняной рубашке и босым, спал на голом полу. Блаженный кротко переносил все оскорбления и насмешки, и не платил злом за зло, но молился за обидчиков, а себя постоянно укорял и называл «глупцом» и «несытой гортанью».

15 лет жил в Елнати блаженный Симон, а потом перешел в город Юрьевец-Поволжский. Любимым местом его пребывания там были церковные паперти, где он возносил горячие молитвы Богу. Особенно часто святой приходил в Богоявленский монастырь, где на паперти усердно молился пред иконой Пресвятой Богородицы.

Его подвиг полного самоотвержения был угоден Богу, и он еще при жизни получил дары, которыми пользовался во славу Божию, для врачевания недугов и нравственного исправления близких.

Незадолго до своей кончины блаженный зашел в дом воеводы Феодора Петелина. Раздраженный поведе-

нием Симона воевода в порыве гнева приказал слугам избить святого и бросить в подвал. Блаженный тяжело заболел. Чувствуя скорый отход из жизни земной в жизнь вечную, блаженный Симон призвал священника, исповедался, приобщился Святых Таин и предал Господу душу свою 4 ноября 1584 года (по другим источникам — в 1586 году).

Тело его было погребено на территории Богоявленского монастыря. В 1619 году над могилой блаженного

была построена церковь во имя Пресвятой Богородицы Одигитрии. В 1635 году игумен Богоявленского монастыря Дионисий доносил Патриарху Иоасафу об исцелениях у мощей блаженного Симона. Патриарх благословил написать икону блаженного и совершать ему службу по общей Минее. В 1666 году блаженному Симону Юрьевецкому чудотворцу составлена особая служба.

Дни его памяти — 4 ноября и 10 мая.



В
ТОЙЖЕ
ДЕНЬ

Преподобнаго Мерку́рия, в Дальних пещерах почивающаго

Тропарь, глас 5:

Присносущныя, блаженне, желая сподобитися жизни, / праведне и непорочно / жизнь свою препроводил еси в нынешнем веке, / темже, Меркурие, желаемого ты достиг, / моли и нам вечныя сподобитися жизни.

Кондак, глас 8:

Преподобному во всех делах Господеву преискренне работая, / и Онаго всегда в церкви преподобных Своих / преподобным воспевая гласом, / наследил еси, преподобне Меркурие, часть преподобных, / с нимиже молися о всех нас.



В
ТОЙЖЕ
ДЕНЬ

Святаго священноинокa Григор́ия

Тропарь, глас 4:

Божественную ти раку обстоюще, премудре, / зовем ти, преподобне: / ко Владыце всех и Зиждителю молися / избавити нас от бед, / иже верою и любовью тебе / душами и сердцы воспевающе достойно: / слава ти, преподобне всеблаженне Григорие.

Кондак, глас 8:

Гордаго врага ты низложил еси / пособием
державне Божественнаго Духа / и победу при-
ем креще, / мученическим одеявися неувядаемым
венцем свыше, Богомудре, всеблаженне, / сегоже
ради зовем ти: / радуйся, отче Григорие.

